

## **Ptače stawiznički – ročk**

W Jendźelskej je ročk najwoblubowaniši spěwaty ptačk. A pola nas to drje tež tak je. To njeje žadyn dźiw, tajki ročk je cyle jednorje šikwany – najradšo bychmy jeho do ruki wzali a majkali.

Ročki so ludžom přeco hižo lubjachu – něhdy su je łójili a w klětkach dźerželi.

1873 pisaše serbski přirodospytnik Michał Rostok wo ročku, zo wón „rjenje spěwa a so lochce k ludžom přiwuči; tehodla maja jeho husto we jstwi a to tež, dokelž muchi łóji“.

Džensa je na zbožo zakazane, spěwate ptački łójic a je do klětkow sadžeć. Wonka w zahrodže abo na kromje lěsa su ročki tola rjeńše a zbožowniše hač w klětce.

A jeli chceće ročki we wašej zahrodže měć, móžeće jim zakład za hnězdo poskićeć. Tajka lehnjenska pomoc zhotowi so ze scíny abo podobnych dołhich stwjelcow. Wobrazy wo tym namakaće w interneće pod hesłom “Nisthilfe für Rotkehlchen”.